



2. februar 2016

Inatsisartut suleriaasianni § 37 naapertorlugu Naalakkersuisunut apeqqutit imaattut ingerlatippakka:

**Nunatta karsia qanoq annertutigisumik piffissap augustip 20-aniit novemberip 17-nia tikillugu isertitaqarsimavara Nioqqutissanik eqqussuinermi akitsuutit pillugit Inatsisartut inatsisaata allanngortinneqarnerata kingorna?**

(Inatsisartuni ilaasortaq, Steen Lyngge, Atassut)

**Tunngavilersuut:**

Soorlu ilisimaneqareersoq, ukiaanerani Inatsisartut ataatsimiinneranni nioqqutissanik eqqussuinermi akitsuutit pillugit Inatsisartut inatsisaat allanngortinneqarpoq, tamannalu pisiassat ilaannik akinik qaffaanermik malitseqarsimalluni. Aamma ilisimaneqartutuut inatsisip allanngortinnerata atuutilersinneqarnera pillugu maalaaruteqartoqarsimavoq. Tassani inatsisip pineqartup allanngortinneratigut nalinginnaasumik suleriaaseq atorineqartartoq qimanneqarsimavoq. Inatsisip akuersissutigineqarneraniit qaammatit pingasut sioqqullugu atuuttussanngorlugu aaliangerneqarsimavoq. Tamannalu inuussutissarsiutinik ingerlatsivinnut artukkiineruvoq suliffeqarfinnik ingerlatsisunit sillimaffigineqarsimasinnaanngitsoq. Tamannalu akuerineqarsinnaanani.

Kissaatigissavarput, akissuteqaat nalinginnaasumik ullut sulifiit qulit qaangiutsinnagit tigusinnaassallugu.